

# Jonde Quraŋ 2

## Jonji Quraŋine ruame 2 fukeya.

### Mimitaniŋ

Biŋe Quraŋ yoore rau iŋoji iŋoyoŋunde tina “Minebobo mo,” miya. Iŋoji quraŋ oi “Yoro ŋigo eru iŋore odumadepu,” yoŋore ruaya. Buŋo soŋsoŋine oi maŋkekerisie kufufuŋ more soso buŋo. Odumade oi kufufuŋ eko yoro ŋigo oi yoŋore siŋaŋ. Biŋe Qurande buŋo pompoŋine yoŋi maŋjoko naduŋgadun enimiŋ ore maŋ bapakare nobeega eru qaqaŋi jijiŋbuine yoŋoji ŋiŋigo qaji yarebi buŋoyaŋunji egu saueinde siŋaŋ bobo buŋo fukeya.

### Buk yoore mobe qoruine 4 oi iŋi:

Buŋo fuŋfuŋgain 1-3

Manji jojoko oi ya qoruine 4-6

Buŋo kekesiineji egu saueinde siŋaŋbobo buŋo 7-11

Qurande buŋo koruŋ qoruine 12-13

---

<sup>1</sup>O ŋigo sari, Anutuŋi roosoe guko maŋkekerisie kufufuŋpugo siŋaŋ yaberu dimage. Nonji ŋoŋo buŋo foriinere so maŋ wombunŋeji jojoko eŋarego. Nakekoŋ matayoŋ, ŋiŋigo buŋo foriine mane mukugobi, sosowo yoŋoji oŋuakoŋ ŋoŋo maŋji jojoko eŋareru gogobi. Nonji minebobo fukeyo eru goke buŋo mimane enimi ore wareru quraŋ quraŋgago.

<sup>2</sup>Buŋo foriineji maŋnoŋuŋgo dimaku noŋuŋke tatariine tomiri pe ropeiŋ. Nonji Biŋe buŋo ore eru maŋji jojoko eŋarego.

<sup>3</sup>Noŋuŋ buŋo foriine boyoberu maŋji jojoko naduŋgadun eku gogobeneŋ ine, Mama Anutu eru Madeine Yesu Kristo yokoŋi ŋonemaŋi eru yaunmoriri norebire womoo goinebeneŋ.

### Manji jojoko eru buŋo foriine oi moko boyobeinebi.

<sup>4</sup>Mamaji maŋjokore mimiti buŋo noreya, ore so akonŋ gonde kufufuŋpugo goineji buŋo foriinere so eeboboyaŋuŋ eba eku gogobi. Nonji mosiyaŋuŋ oŋuine ŋonebe jeribari soguine enareega. Oŋu.

<sup>5</sup>O yoro ogone ŋigo soguine, damaŋ yoo mimiti buŋo quraŋga garego, oi buŋo gariine mata. Buŋo fuŋfuŋgaineone fuŋgaru maneru wapebeŋ, nonji buŋo oi moke quraŋgaru iŋi mitiga garego: Nonjuŋ maŋnonjuŋi jojoko naduŋgaduj eku goinebeneŋ.<sup>a</sup> <sup>6</sup>Manji jojoko naduŋgaduj eku gokiminde buŋo migo, ore foriine oi iŋi: Nonjuŋ Anuture mimipaŋ buŋo sosowo reŋgaru eebobonoŋuŋ eba eku goinebeneŋ. Sosowo ŋoŋoji mimipaŋ buŋo fuŋfuŋgaineone maneru go wapebuŋ, oi iŋi: Ŋoŋo maŋ-ŋaŋjuŋi maŋjoko naduŋgaduj eku goinebi.

<sup>7</sup>Sinefuru ŋiŋigoji Yesu Kristore iŋi mi bofukeegobi: “Munaŋqoqo Rauineji moreŋ ŋi saki fuineke fukeiŋgo embimbiŋgaya.” Oŋu mi bofukeru eadu ebi bojiqojibu fukeega. Sinefuru ŋiŋigo oŋuine oi Kristore tifego dimaku kiso eteegobi. Ŋiŋigo oŋuine kokoineji moreŋine moreŋine roregaru kosa ra wareru gogobi. <sup>8</sup>Niŋoji mande gio babeneŋ foriine maŋ-ŋaŋjuŋgo fukeya, oiji jibugaru egu jaŋgaru mataeiŋgo manego. Ore eru sinefuru ŋiŋigoji bojiqojibu egu eŋarenimiŋ ore sisiŋaŋ ee eku goinebi. Oŋu gobi maŋ-ŋaŋunde foriji so jibugako Ofonji furijaŋjuŋ sosowo ŋare foreiŋ.

<sup>9</sup>Kristoji buŋo qaji noreya, moji oi so qakatogayoŋ, oi odureru buŋo jikigako bojiqojibu miega, iŋoji Anutu tomiri mo goga. Uri yoŋoji Kristore Biŋe buŋoo qakatogobi, yoŋoji Mama eru Made yokoke sanaŋgaru gogobi. <sup>10</sup>Moji Biŋe buŋo jumuine oi so roru ŋoŋoreo warega, ŋoŋo iŋore mijeri so miku piŋaŋjuŋgo so keporebi ropeine. <sup>11</sup>Moji iŋore mijeri miŋi, iŋoji sembeneinere yobiŋke poregame paiineo ropeko sogokoj kukuganimi. Oŋu.

### Buŋo tatarine

<sup>12</sup>Nonji ŋoŋore buŋo boakoj quraŋgabeminde aŋi manegoyoŋ, oi papia rekaineo iŋkji quraŋgabemiŋgo so maneru bokego. Ŋoŋoreo iqŋi wareru jiŋo mai ŋaberu buŋo mi manekimiŋ ore odigaru oori ego. Qoturekimiŋ, damaŋ oo aŋibaŋi ŋeku mimane eku jerinoŋuŋ fuke foreru maŋnoŋuŋ puseko gokimiŋ ore manego.

<sup>13</sup>Anutuji ŋigo ogogo siŋaŋ giore rosoeya, ŋigo sari iŋore kufufuŋpuji momojoyaŋjuŋ ruabi goreo foga. Oŋu.

---

<sup>a</sup> 1.5 Jon 13.34; 15.12, 17